

Wir wollen auch das uf die promotion gute achtung gegeben und vonn inen nicht leichtfertige personen promovirt werdenn.

Nachdem die theologenn sechs lectiones in artibus von des cardinals stiftung zu bestellen vorbehalten habenn, werden wir bericht das dieselbigenn lectiones nicht nach
5 nutz der universitet sunder nach gunst bestellet werden, wollen wir dieselbigen weler bey iren eydenn verbunden haben, das sie keinen der umb solche lection bittet dartzu sollen gebrauchen, sundern allein magistri die darzu tuglichen, sie studiren in welcher facultet es inen ebent adder geliebt unnd darumb nicht gebeten, sollen ufgenohmenn werdenn, welche lectiones sie selbst vorsehen und nymands resigniren sollen. So es aber
10 eyner nicht haben wolt, so sal derselbte solliche lectiones frey inn die hemnde der weler stellen, die sich damit wie oben haltenn sollen. Es sollen sich auch dieselbigen leser vleissigenn, das sie nutzliche materie leßen die den schulern lieblichen unnd vortreglich zu horen ist, unnd es sal denselbigen lectoribus die nawe ader alte tranßlation Aristotelis zu leßen zugelassen sein.

254.

15

Erneuerung der Reformation der Juristenfacultät sowie der Universität im Allgemeinen.

[Zwischen 1506 u. 1537.]

Hilschr.: Concept Hauptstaatsarchiv Dresden, Universität, Raths und andere Händel 1367—1537 loc. 10532 fol. 206—214.

20 Als inn nehster reformation die wir mit zeittigem rate zu besserung dieser loblichen universitet ordenung unnd reformation ufgericht, bfinden wir demselbenn nicht allenthalben gelebt unnd nachgegangen. Darumb wollenn wir das sollichs wie uf die zeit vonn unns geordennt festiglich gehalten unnd nachgegangen unnd zu besserung derselbenn universitet die ordenung hirmit wie volgent vorzeichent verbessert haben.

25 Reformation der Iuristenfacultet belangennde.

Es sall nun hinfurder das pedagogium die iuristenschul sein, darinnen sollen alle supposita so in denn rechtenn lernen wollenn iren enthalt unnd nachtlager haben, es geschehe denn mit des ordinarien willen der inn demselbtenn pedagogio der oberste sein soll unnd alle bruch und fehl dieselbtenn schuler belangend zu punirn unnd einzumanen
30 haben, desgleichen wes sich vonn denn habitation zu geben geburt auch eynmanen unnd ordenliche rechnung halten unnd darfur thun und pflegenn wie hernach volget.

Unnd dieienigen die mit willen des ordinarien ausserhalb des collegiums stehnn wurden, die sollenn sich dem ordinarien ansagen wue sie iren enthalt habenn wollenn unnd sunderlich eynen doctor ader licentiaten im rechten haben, inn des gehorsams sie
35 sein wollenn, der vor sie vorspricht unnd antwort gibt, wellchs zu großem gehorbam diennstlich unnd vil unlust abschneiden wirdt. Unnd so eynicherley unfug vonn den iuristen entstunde, das der rector denn ordinarium unnd der ordinarius den doctor ader licentiaten dem sie sich untergeben anzureden hetten, also das die billicheit nach amt der statut an inen zu bekommen sey.